

ETSA TEFO

Ke sefe se setjha?

- **14 Mmesa 2020 - Ho fokotswa ha boholo ba moedi wa tjeheke ho tloha ka la 1 Motsheanong 2020**

Ho tloha ka la 1 Motsheanong 2020, Payments Association of South Africa (PASA) e tla fokotsa boholo ba moedi wa boleng ba ho ntshuwa ha ditjeheke ho tloha ho boleng ba jwale ba R500 000 ho ya ho ba R50 000. Ka kopo hlokomela hore ho tloha ka letsatsi lena ditefo tsa ditjeheke tse lebang ho SARS tse fetang R50 000 di keke tsa ananelwa. Ho keke ha dumellwa ho arolwa ha tefo ka sepheo sa ho thibela ho se latelwe ha moedi ona o motjha, ke hore, ho ntshuwa ha ditjeheke tse pedi tsa bokaalo ba R50 000 tjeheke ka nngwe ka sepheo sa ho etsa tefo ya R100 000, ho ya ka melao ya PASA.

Ho qoba kगतello makaleng a dibanka ka nako ena ya qomatsi ya COVID-19, re kgothaletsa balefalekgetho ho lesa ho etsa ditefo tsa tjehelete le ditjeheke ho SARS mme ba mpe ba sebedise mokgwa wa ditefo tsa elektronike ka tsela ya eFiling kapa EFT.

Mefuta ya ho lefa

Ha jwale ho na le boikgethelo bo bongata ebang o batla ho etsa tefo e lebang ho SARS:

1. Bankeng

Ditefo tsa SARS di ka etswa dibankeng tse latelang: Absa, FNB, Nedbank, Standard Bank le Capitec.

Ka kopo o qotse ID e nepahetseng ya mounamolemo mmoho le nomoro ya referense ya tefo (PRN).

Keletso ya bohlokwa: Ditefo tsa Lekgetho la Baeti ba Moyeng (APT) di ka etswa feela makaleng a Absa, Nedbank, FNB le Standard Bank.

2. Ditefo ka eFiling

Balefalekgetho ba eletswa hore ba hlophise boikgethelo ba 'credit push' kapa ba sebedise e meng ya metjha ya SARS ya tefo.

Ka '[Credit push](#)', tefo e etswa ke wena monga akhaonto ya banka. Ha o etsa tefo ho SARS, eFiling e tla romela kopo ya tefo bankeng ya hao e tlang ho bontsha bokaalo bo lokelang ho leshwa bakeng sa sehlahiswa se amehang sa banka.

Molefalekgetho yena o tjhaela kopo ena monwana ka tsela ya tlwaelo ya sehlahiswa sa banka. Sena e ba taelo bankeng hore e etse tefo eo ho SARS.

Ditefo tsa 'Credit Push' ha se tse ka busetswang morao mme di ka etswa feela ebang monga akhaonto a na le matlole a hlokehang. Transekshene ya 'Credit Push' e ka hlakolwa ha feela e soka e tjhaelwa monwana. [Fumana tse ngata mona.](#)

Dibanka tse latelang di ka sebedisetswa ditefo tsa eFiling: Absa, Bidvest Bank, Capitec Bank, Citibank, FNB, HSBC, Investec, Nedbank, Standard Bank, Standard Chartered, Mercantile Bank, AIBaraka, Sasfin le HBZ.

3. Phethiso ya matlole ka mokgwa wa elektronike (EFT)

Tefo e ka etswa ka ho banka ka inthanete ka ho sebedisa letshwao le isang tlase la di-ID tsa baunamolemo ba seng ba kentswe lenaneng la banka. Di-ID tsohle tsa baunamolemo ba SARS di qala ka mokgwa ona "SARS- <Tax Type>". Ditefo tsohle tsa inthanete di tlameha ho ba le referense e nepahetseng ho netefatsa hore SARS e kgona ho hlwaya tefo ya hao le ho e aba ka nepo akhaontong ya hao. O keke wa kgona ho etsa tefo ebang referense ya hao e fosahetse.

Dibanka tse latelang di tshhehetsa mokgwa ona: ABSA, AIBaraka, Grobanks Ltd (eo pele e neng e le Bank of Athens), Capitec, FNB, HSBC, Investec, JP Morgan, Mercantile Bank, Nedbank le Standard Bank.

4. Lekaleng la SARS la Bolaodi ba Meedi

- Makala a SARS a Tefo ya L ekgetho - ha a sa amohela ditefo tsa tjelete kapa tsa ditjeheke. Ditefo tsa tjelete le tjeheke tsa SARS di ka etswa dibankeng tse seng di tsebisitswe ka hodimo.
- Makala a Bolaodi ba Meedi le ya Tse kenang le se tswang - ho amohelwa ditefo tsa tjelete le tsa tjeheke.

5. [Ditefo tsa matjhabeng](#)






Ka kopo hlokomela: Mokgwa ona wa tefo o lokela ho sebediswa feela ke balefalekgetho ba matjhabeng moo ho se nang boikgethelo bo bong ba tefo kapa moo ho se nang mofuta e meng, mohlala: moo tefo ka eFiling, ho banka ka inthanete (EFT) kapa ho lefa bankeng ho leng siyo.

Keletso ya bohlokwa: Ebang molefalekgetho wa matjhabeng a na le akhaonto ya banka ya Afrika Borwa, mokgwa ona wa tefo o se sebediswe.

Ditefo di ka etswa ka tsela ya elektronike akhaontong ya banka ya SARS ka tshebediso ya molaetsa wa tlwaelo wa 'SWIFT 103' le ID ya Mounamolemo /Nomoro ya Akhaonto ya "SARS-FOR-999". Ke banka ya **FNB** feela e tshehetsang mokgwa ona.

Na o hloka lesedi le fetang lena?

Ho fumana lesedi le leng le mabapi le melao ya ditefo tsa SARS, o koptjwa hore o lekole lenane la ditokomane tse ka tlase.

Top Publications	
	Completion of DA 70
	Guide on Account payment process
	Guide to Bulk and Additional Payments on eFiling
	SARS Payment Rules
	Guide to the Payment Advice Notice functionality on eFiling